

Dadus relata 04 Agostu 2020

SUMÁRIU

- Ministériu Saúde (MS) anunsia kazu konfirmadu COVID-19 foun ida. Númeru kumulativa ba kazu COVID-19 nian agora hamutuk 25. Daudauk ne'e iha kazu ativu ba COVID-19 ida deit. Pasiante agora daudauk iha ona fatin izolamentu Vera Cruz. Ekipa vijilansia buka atu identifika kontaktu besik sira no hala'o hela restreamentu kontaktu tuir matadalan vijilansia. Bele hetan informasaun ne'ebé detalladu liu kona ba kazu foun iha [Facebook MS nian](#).
- Iha sorumutu ba dahaat Komite Emerjensia ba COVID-19 nian iha loron 31 Jullu, convene hosi Direto-Jeral ba OMS, ho Regulasun Saúde Internasional (2005) (IHR), Komite Emerjensia akorda surtu COVID-19 nafatin konstitui Preokupasaun Internasional ba Saúde Emerjensia Publika (PHEIC).
- MS, Hospital Nacional Guido Valadares (HNGV) ho apoiu hosi RACS-East Timor Eye Programme, no OMS hala'o atividade iha comunidade nia leet ba dahuluk dezde pandemia COVID-19 iha Baucau. Atividade iha comunidade nia leet durante loron lima ne'e to'o ba pasiente hamutuk kuaze 300 no hala'o mos sirurgia hamutuk 54.
- Instituto Nacional da Saude (INS), ho apoiu hosi OMS no AUSAID halo ona no lansa ona *crash course* kona ba COVID-19 ba fakuldade sira ba instituisaun hamutuk 18 iha Dili no munisipiu haat seluk – Ermera, manufahi, Baucau no Oecusse. Nia tarjetu atu sensitive fakuldade sira kona ba COVID-19 atu ekipa estudante sira no mós comunidade hotu kona ba medida preventive sira ba COVID-19 ne'ebé ema hotu presiza atu halo tuir.

SITUASAUN IHA NÚMERU

Totál no kazu (foun) iha Timor-Leste

**25 konfirmadu (foun 1)
0 mate**

(Bazeia ba dadus ne'ebé públika iha [Ministerio da Saúde](#))

Tuir pájina WHO Timor-Leste [Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha oras 24 nia laran

Globalmente


**17 918 582 konfirmadu (257 677)
686 703 mate (5 810)**

AVALIASAUN RISKU OMS

Nível Globál Aas tebes




Data notifikasaun kazu foun no kumulativu COVID-19 iha Timor-Leste
(04-Aug-2020 : kazu foun-1 kumulativus-25)



Source : Direcção Nacional Controlo de Doenças - Departamento Vigiância Epidemiologia

Situasaun Nasional Kazu : COVID-19 Timor-Leste (Kumulative figures)



Source : Direcção Nacional Controlo de Doenças - Departamento Vigiância Epidemiologia

OMS TIMOR-LESTE NIA OBJETIVU ESTRATÉJIU

- Hapara moras da'et hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigorozu tebes no hasa'e kapasidade ba PKI nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosialisasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin kloot, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi hosi #COVID19:

- ↪ Takaibun no inus bainhira me'ar
- ↪ Labele ka'er matan, inus noibun
- ↪ Evita ba fatin públiku no limita tempu iha espasu ne'ebé taka metin
- ↪ Bainhira distansia fiziku la posivel, obrigatóriu ba ita atu uza maskára
- ↪ Mantein distánsia metru ida ka liu hosi ema seluk
- ↪ Hamoos beibeik objetu no fatin sira ne'ebé ita kaer beibeik
- ↪ Izola an hosi ema bainhira sente moras no buka tratamentu, bainhira presiza

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
 - OMS Timor-Leste liuhosi nia [Pájina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-